

## Nutaaq

Inatsisisatut siunnersuut 11. august 2011-meersoq taarserpaa

(§ 24, imm. 2 peerpoq)

**Siunnersuut uunga: Ilinniarneretuunngorniartarneq pillugu Inatsisartut inatsisaat nr. xx, xx.xx 2011-meersoq**

### Kapitali 1

#### *Ilinniarnerup siunertaa*

**§ 1.** Ilinniarneretuunngorniarluni ilinniagaq tassaavoq ilinniagaqalernissamut piareersaataasumik aamma nalinginnaasumik peroriartuutaasumik ilinniagaq. Ilinniarneq ukiunik 3-nik sivisussuseqarpoq, taamaattoq tak. §§ 40-42.

Ilinniagaq saaffiginnippoq inunnut ilisimasaqarnermik, itisilerinermik, ungavarluni isiginneriaaseqarnermik takorluuisinnaanermillu soqtigisaqartunut, annermillu annertusisamik ilinniagaqarnissaq siunertalarugu. Ilinniagaq ataasiuvoq nunamilu piumasaqaataasut malillugit soraarummeernermermik inaerneqassalluni (ilinniarnertuutut soraarummeerneq).

*Imm. 2.* Ilinniarnertuutut soraarummeerneq Kalaallit Nunaanni, Danmarkimi nunanilu allani annertusisamik ilinnialissutaasinnaavoq tamanna pillugu malittarisassat aalajangersarneqartut naapertorlugit.

*Imm. 3.* Ilinniarneretuunngorniarluni ingerlatsinerit immikkut ittut, Kalaallit Nunaanni Danmarkimilu ingerlaqqiffiusumik ilinniakkani sivikinnerusuni akunnattumillu sivisussusilinni ilinnialissutaasinnaasut pillugit Naalakkersuisut malittarisassanik aalajangersaasinnaapput, tamanna pillugu malittarisassat aalajangersarneqartut naapertorlugit.

*Imm. 4.* Ilinniartut ilinniarneretuunngorniarluni ilinniakkamik naammassisqaartut, kingusinnerusukkut ingerlaqqiffiusumik ilinniakkamik aalajangersimasumik aallartinnissaannut naammassisissaannullu naammattumik piginnaasaqalernissaat siunertalarugu ilassutaasumik ilinniartitsinerit pilersinneqarsinnaapput. Naalakkersuisut ilinniarneretuunngorniarfimmi ilassutaasumik ilinniartitsinerit pillugit erseqqinnerusunik malittarisassaliussapput, ilinniarneretuunngorniarfinni ataasiakkaani pikkorissarnerit pineqartut inissinnissaat ilanngullugu.

**§ 2.** Ilinniarnerup ilinniagaqalernissamut piareersaataanerata siunertaraa ilinniartut annertusisamik ilinniagaqalernissamut piareersarnissaat, tamatumunnga ilanngullugit ilinniakkap ilisimasariaqartutigut atitussusia itisileriffiuneralu aamma atuartitsissutit imminnut ataqtigiinneri aqqutigalugit ilisimasaqalerlutillu piginnaasaqalernissaat.

*Imm. 2.* Ilinniartut ilinniarnerup ilikkagassatigut aamma perorsaanikkut inerikkiartornera aqqutigalugu, ilikkagassatigut paasisaqarneq ilinnialernissamullu piginnaasaqarneq inerisassavaat. Suleriaatsit assigiinngitsut atornissaat aamma ilinniartutut avatangiiseqarluni sulisinnaaneq ilikkassavaat, nammineersinnaanermik, suleqatiginnissinnaanermik ilisimasanillu ujarlersinnaanermik piginnaasaqarnissamik piumasaqaatit qitiutinnejarfianni.

**§ 3.** Ilinniagaq peroriartuutaasussanik ilaqtinnejassaaq, ilinniartut inuttut oqartussaalernissaannik inerisaanissaq pingartillugu. Taamaammat ilinniartut avatangiiserisaminut: inoqatiminut, pinngortitamut inuiaqatigiinnullu, kiisalu ineriatorminnut eqqarsaatiglluakkamik akisussaasumillu pissuseqarfiginnissinnaanissaq ilinniassavaat. Aammattaaq ilinniakkap ilinniartut pilersitsisinnaanerat nassaarniarsinnaanerallu aamma isummersorsinnaassusiat inerisassavai.

*Imm. 2.* Ilinniarnerup ilinniarfiillu ilusiligaanerisa ataatsimut ilinniartut inuiaqatigiinni kiffaanngissuseqartuni tamallu oqartussaaqataanerat naapertorlugu aqtaasuni aalajangeeqataanissamut, akisussaqaataanissamut, pisinnaatitaaffeqarnermut pisussaatitaaffinnullu piareersassavai. Taamaammat ilinniartitsinerup ilinniarnertuunngorniarfiillu ulluinnarni inuunerisaata tamarmi tunngavigisariaqarpai anersaakkut kiffaanngissuseqarneq, naliqissuseq demokratiilu. Tamatumuunakkut ilinniartut inuiaqatigiinni demokratiskiusuni peqataalluarnissamut piginnaaneqalersinneqassapput aamma inuttut kisimiilluni ataatsimoorlunilu ineriatormermut allanguinermullu periarfissanik paasinnissallutik, kiisalu eqqaamiorisani nunarsuarlu tamakkerlugu isignerriaaseqarnermik paasinnissallutik.

*Imm. 3.* Ilinniartut ilinniarnerik aqqutigalugu Kalaallit Nunaata oqaluttuarisaanikkut, kulturikkut, inooqatigiissutsikkut, teknikkikkut aningasaqaarnikkullu ineriatornera paasisaqarfialugulu ilisimasaqarfifilissavaat.

## Kapitali 2

*Neqerooruteqarneq, inissanik aqutsineq, ilinniartunngorsinnaaneq  
ilinniarnertuunngortitsinerlu*

*Neqerooruteqarneq inissanillu aqutsineq*

**§ 4.** Ilinniarnertuunngorniarluni ilinniagaq ilinniarnfinni siunertamut Naalakkersuisunit pilersinneqartuni imaluunniit akuerineqartuni neqeroorutigineqassaaq. Ilinniariit ilinniarnertuunngorniarluni ilinniakkamik neqeroortussatut pilersinneqartut inatsimmi matumani taaneqarput ilinniarnertuunngorniarfennik. Ilinniariit ilinniarnertuunngorniarluni ilinniakkamik neqeroornissamut akuerisaasut inatsimmi matumani taaneqarput ilinniariit akuerisaasut. Ilinniarnertuunngorniarfiet aamma ilinniariit akuerisaasut ataatsimut inatsimmi matumani taaneqarput ilinniarnertuunngorniarfiet.

**§ 5.** Naalakkersuisut ilinniarnertuunngorniarmermut ilinniartunnullu inissiaqarnikkut inissat ima amerlatigisut qularnaassavaat, qinnuteqartut § 8, imm. 1 naapertorlugu ilinniartunngornissamut piumasaqaatinik piviusunngortitsisut tamarmik ilinniartunngorsinnaatillugit. Aammattaaq Naalakkersuisut anguniassavaat ilinniarnertuunngorniarfiet ilinniartunnullu inissiat ima amerlatiginissaat, qinnuteqartut ilinniartunngorniarluni misilitsinnermi angusisut tamarmik, tak. § 9, imm. 1, aamma qinnuteqartut immikkut akuerisaallutik ilinniartunngortinneqarumasut, tak. § 8, imm. 2, ilinniartunngortinneqarsinnaallutik ilinniarnertuunngorniarlunilu ilinniagaq naammassisinnaallugu

*Imm. 2.* Naalakkersuisut ilinniarnertuunngorniarfimmut ataatsimut amerlanernulluunniit naleqqiullugu inissanik killiliisinnaapput inissat tamarmiusut siunertamut naapertuutumik atorneqarnissaat siunertaralugu.

**§ 6.** Ilinniarnertuunngorniarluni ilinniakkami ilinniartitsineq klassinut holdinullu agguassilluni aaqqissugaassaaq.

*Imm. 2. Naalakkersuisut klassimi holdimilu ataatsimi ilinniartut amerlanerpaaffissaat pillugu malittarisassanik aalajangersaassapput, taamatullu klassiliortoqassappat holdiliortoqarluniluunniit ilinniartut amerlassusissaat aalajangersaaffigissallugu.*

*Ilinniartunngorsinnaaneq aamma ilinniartunngortitsineq*

**§ 7.** Ilinniarnertuunngorniarluni ilinniagaq ammavoq kikkunnut tamanut, piffissap qinnuteqarfip nalaani Kalaallit Nunaanni najugaqartunut, taammaattoq tak. imm. 2 aamma 3.

*Imm. 2. Qinnuteqartut siusinnerusukkut Kalaallit Nunaanni najugaqareersimasut, ilinniarnertuunngorniarluni ilinniakkamut qinnuteqarnermut naleqqiullugu Kalaallit Nunaanni najugaqavissutut isagineqassapput, Kalaallit Nunaata avataaniinnerat Kalaallit Nunaanni oqartussaasut peqataaffigisaannik isumagineqarnermik imaluunniit ilinniarnermik peqquteqarpat.*

*Imm. 3. Ilinniarnertuunngorniarluni ilinniagaq qinnuteqartunut Kalaallit Nunaanni najugaqavissuuungitsunut ammavoq, taakku nunat tamat akornanni isumaqatigiissutaasut, Kalaallit Nunaanni atuuttut, naapertorlugit Kalaallit Nunaannit qinnuteqartut assigalugit ilinniartunngorsinnaatitaappata.*

**§ 8.** Qinnuteqartut ilinniarnertuunngorniarfimmi ilinnialernissamut naleqqiullugu ukiut kingulliit marluk ingerlaneranni meeqqat atuarfianni naammassisut imaluunniit meeqqat atuarfianni atuartitsinermut nalinginnaasumik piumasaqaataasunut nallersuussinnaasumik atuartinneqarsimasut, ilinniarnertuunngorniarlutik ilinnialersinnaapput, qinnuteqartumit makku anguneqarsimappata:

- 1) Greenlandic Grading System-skala naapertorlugu minnerpaamik karakteri E aalajangersimasumik quleqtsiilluni suliassami anguneqarsimappat,
- 2) Greenlandic Grading System-skala naapertorlugu minnerpaamik karakteri E inaarutaasumik pinngitsoorani misilitsiffiusussani tamani anguneqarsimappat aamma
- 3) Greenlandic Grading System-skala naapertorlugu 10. klassimi killiffimmi karakterini tamani E anguneqarsimappat.

*Imm. 2. Rektori imm. 1, nr. 2 aamma 3-mi piumasaqaatinik sanioqqutitsinissamut akuersisinnaavoq, qinnuteqartup misilitsinnerit imaluunniit killiffimmi karakterit ikittunguit ilaanni E ataassimappagu, rektorillu nalilerpagu qinnuteqartup ataatsimut pisinnaasai ilinniarnertuunngorniarluni ilinniakkap naammassinissaanut naammattut.*

*Imm. 3. Naalakkersuisut qinnuteqartup imm. 1-im i piumasaqaatinut naleqqiullugu ilinniakkatigut pisinnaasaasa nalilernissaat siunertaralugu, karakterilersueriaatsit Greenlandic Grading System-skalamit allaanerusut sanilliunneqarsinnaanngorlugit naatsorsornissaat pillugit malittarisassanik aalajangersaasinnaapput.*

*Imm. 4. Naalakkersuisut imm. 1-im i piumasaqaatit qinnuteqartunut nunanit allaneersunut atillugu sanioqqunneqarnissaat pillugu malittarisassanik aalajangersaassapput.*

**§ 9.** Qinnuteqartut § 8, imm. 1-im i piumasaqaatinik piviusunngortitsinngitsut misilitsinnikkut Naalakkersuisunit suliarineqarlunilu nalilerneqartukkut ilinniartunngorumallutik qinnuteqarsinnaapput. Misilitsinnerup siunertaraa, qinnuteqartup ilinniartitsinermik malinnaanissamut ilinniakkallu naammassinissaanut naammattumik ilinniakkatigut ilisimasaqassutsimik takutitsinissamut periarfissinnissaa.

*Imm. 2. Inissaq pissutigalugu qinnuteqartut ilinniartunngorniarluni misilitsinnermi angusisut imaluunniit § 8, imm. 2 naapertorlugu immikkut akuersinikkut ilinniartunngortikkumasat tamarmik ilinniartunngortinnissaat ajornarpat, rektorip aalajangissavaa qinnuteqartut kikkut ilinniartunngortinneqassanersut. Rektorip taamatut aalajngiinermini qinnuteqartup ilinniarnertuunngorniarnerluni ilinniakkamik naammassinnissamut periarfissai*

ataatsimoortumik nalilersussavai. Qinnuteqartut ilinniarternertuunngorniarfimmi ilinniartunngortinnejannitsut, inissaqassuseq apeqqutaatillugu ilinniarternertuunngorniarfimmi allami ilinnialernissaannik neqeroorfigineqassapput.

**§ 10.** Ilinniartoq tunngaviusumik ilinniagaq, tak. § 15, naammassereerlugulu, rektori isumaqtigisinnarlugu ukiut 2 angullugit ilinniarunnaarallartoq, semesterit aappaasa aallartinneranni ilinniarternertuunngorniarnini semesterimi tassani nangissinnaavaa, ilinniarternertuunngorniarfimmi ilinniartup ilinniarfigeriigaani imaluunniit ilinniarternertuunngorniarfimmi allami.

*Imm. 2.* Ilinniartup 1. G imaluunniit 2. G naammassereerlugit rektori isumaqtigisinnarlugu ukiut marluk angullugit ilinniakkaminik unitsitsigallartup, 2. G-p imaluunniit 3 G-p aallartinnerani ilinniarternertuunngorniarnini nangissinnaavaa ilinniarternertuunngorniarfimmi ilinniartup ilinniarfigeriigaani imaluunniit ilinniarternertuunngorniarfimmi allami.

**§ 11.** Qinnuteqartut ilinniarternertuunngorniarfimmi kommunimi qinnuteqarnermik nalaani aalajangersimasumik najugaqarfigisaminniittumi (kommuni angerlarsimaffik) ilinniartunngussapput, taamaattoq tak. imm. 2 aamma 3.

*Imm. 2..* Qinnuteqartut, ilinniarternertuunngorniarfimmi teknikkikkut imaluunniit niuernikkut sammivinnik neqerooruteqartumi ilinnialerumasut, ilinniarternertuunngorniarfimmi sammivimmik kissaatigisaminnik neqeroorutilimmi ilinniartunngortinneqassapput, taamaattoq tak. imm. 3.

*Imm. 3.* Naalakkersuisut aalajangersinnaavaat qinnuteqartoq ilinniarternertuunngorniarfimmi imm. 1-imi aamma 2-mi pineqartuunngitsumi ilinniarternertuunngorniartutut aallartissinnaasoq, inissaqarnikkut imaluunniit suliamut atatillugu inuttulluunniit pissutsit immikkut ittu tamanna pisariaqartilerpassuk.

*Imm. 4.* Naalakkersuisut qinnuteqartut ilinniarternertuunngorniarfimmi aalajangersimasumik ilinniakkatigut sammivilimmi ilinnialerumasut ilinniarfimmi taamaattumi ilinnialernissaat pillugu malittarisassanik aalajangersaasinnaapput.

**§ 12.** Ilinniartut illoqarfimmi illiniarnertuunngorniarfimmik avataani najugaqartut, ilinniartunut inissiani assigisaanniluunnit inissaqarnissamik neqeroorfigineqassapput.

*Imm. 2.* Ilinniarternertuunngorniarfiup ilinniartut ataasiakkaat ilinniartunut inissiani assigisaanniluunniit atugarissaassusiat nakkutigissavaa.

**§ 13.** Ilinniartut ilinniartunut inissiani assigisaanniluunniit najugaqartut nerisaqarnissamik imaluunniit nerisaqartitaanikkut aaqqissuussinermik neqeroorfigineqassapput.

*Imm. 2.* Ineqarnermut assigisaanullu, nerisaqarnermut imaluunniit nerisaqartitaanikkut aaqqissuussinermut akiliutissat pillugit malittarisassanik Naalakkersuisut aalajangersaassapput.

**§ 14.** Naalakkersuisut ilinniartut ilinniarternertuunngorniarfinni ilinnialersinnaanerat pillugu malittarisassanik aalajangersaasinnaapput, tamatumunnga ilanngullugit inissat pillugit aalajangersakkat, qinnuteqarnermi periutsit, qinnuteqarnissamut piffissaliussat, agguassinermeri periutsit, ilinniartunut inissiat assigisaallu, ilinniartut ilinniartunut inissiani assigisaannilu najugaqartut nakkutiginerat, ilinniartunut inissiani assigisaannilu nerisaqarneq nerisaqartitaanikkullu aaqqissuussinert, ilinnialernissamut misilitsinnerit, ilinniarternertuunngorniarnerup aallarteqqinera unitsinneraluunniit, immikkut aaqqissuussamik ingerlatsinernut immikkullu ilusilikamik ilinniartitsinernut ilinniartunngortarnerit aamma ilinniartunngortitsinermi sulianik naammagittaalliorneq.

## **Kapitali 3**

*Ilinniakkap aaqqissugaanera imarisaalu*

*Ilusaa, atuartitsissutit piffissarlu ilinniartitsivik*

**§ 15.** Ilinniagaq aaqqissugaassaaq tunngaviusumik ilinniakkatut, ilinniartunut tamanit ataatsimoorunneqartutut, tamatumalu kingorna ilinniarnermi immikkut sammiveqarluni ingerlatsinertut, ilinniartunit ataasiakkaanit ingerlatsinernit ilinniarneretuunngorniarfiit neqeroorutigalugillu pilersitaasa akornannit toqqarneqartumik, tak. § 29. Tunngaviusumik ilinniarneq tassaavoq ilinniakkap semesteria siulleq. Immikkut sammiveqarluni ilinniagaq tassaavoq ilinniakkap semesteriisa aappaanniit arfernannut.

*Imm. 2.* Semesterit 1, 3 aamma 5 ukiup ilinniarfiusup aallartinneraniit 31. decemberimut ingerlasarput. Semesterit 2, 4 aamma 6 1. januarimiit ukiup ilinniarfiusup naaneranut ingerlasarput.

*Imm. 3.* Semester 1 aamma 2 taaneqartarpoq 1. G, semesteri 3 aamma 4 taaneqartarpoq 2. G semesterillu 5 aamma 6 taaneqartarlutik 3. G.

*Imm. 4.* Ilinniakkami ilinniartitsissutit tassaapput ilinniarneretuunngorniarfimmi ilinniartitsissutit killiffik C-mi, B-mi A-milu inissisimasut, A qaffasimmersaalluni.

**§ 16.** Piffissaq ilinniartut atuarfissaat aalajangerneqassaaq ukiumoortumik tiimiliussat 60 minutsikkaartut tunngavigalugit.

*Imm. 2.* Ilinniakkap ataatsimut katillugit tiimii tassaapput tiimit 2225-2725-it, ilinniartup sammivittut ilinniartitsissutinillu toqqagassanit toqqagai apeqquaallutik.

*Imm. 3.* Ilinniartut tiimii sapinngisamik ukiumi atuarfiusumi sapaatip-akunnerinut aamma sapaatip-akunnerisa atuarfiusut ulluinut naligimmik agguaanneqassapput.

**§ 17.** Ukioq ilinniarfusoq aallartittarpoq 1. august 180-i 200-nut ulloqarluni, taakku sapaatip-akunnerata ulluinut siullernut 5-inut imaluunniit ulluinnarnut 6-inut tamanut (sapaatip-akunnera ilinniartitsiffusoq) agguaassimassapput.

*Imm. 2.* Pikkorissarnermut immikkut aaqqissuussanut, ilinniartitsilluni ingerlatsinernut ilinniartitsissutnik arlariissitsiffiusunut, aalajangersimasumik qulequtsiilluni suliniuteqarluniluunniit ingerlatsinernut atatillugu ilinniarneretuunngorniarfiup sapaatip-akunneranut ulluni 5-ini ilinniartitsisartup sapaatip-akunnerani ullut arfernatiit ullaatut ilinniartitsiffittut ilanngussinnaavaa. Taama pisoqassappat, ilinniarneretuunngorniarfiup ukiup ilinniartitsiffiusup aallartinnissaa sioqqullugu tamanna pillugu pilersaarut suliaralugulu tamanut saqqummiutissavaa.

*Imm. 3.* Ilinniartitsineq minnerpaamik sapaatip-akunnerisa 36-t annerpaamillu sapaatip-akunnerisa 40-t ingerlaneranni naammassineqassaaq.

*Imm. 4.* Ilinniarneretuunngorniarfiit ukiup ilinniartitsiffiusup aallartinnerani sulinngiffeqarnissanut pilersaarutit suliarisassavaat tamanullu saqqummiullugit.

*Imm. 5.* Naalakkersuisut sulinngiffeqarnissamut pilersaarutit sinaakkutissaannik aalajangersaasinnaapput.

*Tunngaviusumik ilinniagaq*

**§ 18.** Tunngaviusumik ilinniagaq tunngaviusumik atuarfiup nanginneratut aaqqissuunneqassaaq. Tunngaviusumik ilinniakkap ilinniartut ilinniagassanut tunngatillugu ilisimasaqalersissavai paasiaqartillugillu aamma ilinniarneretuunngorniarfimmi suleriaatsinik paasiaqartillugit, ilinniartorlu ilinniakkami sammivissaanik toqqaanissaanut

naammassinninnissaanullu tunngavississallugu, kiisalu ilinniartup nalinginnaasumik peroriartornissaanut tunngaviussalluni.

**§ 19.** Tunngaviusumik ilinniakkami ilinniartitsineq 425 tiiminik sivisussusseqarpoq.

**§ 20.** Tunngaviusumik ilinniakkap imarivai ilinniartitsissutit imminnut ataqtigiittussat.

*Imm. 2. Ilinniartitsissutissat makkuupput:*

- 1) Kalaallit oqaasii.
- 2) Danskit oqaasii.
- 3) Tuluit oqaasii.
- 4) Matematikki.
- 5) Science.
- 6) Ilinniartitsissutit kulturimut tunngasut.
- 7) Ilinniarnermi periutsit.
- 8) Timersorneq.

**§ 21.** Naalakkersuisut ilinniartitsissutit ataasiakkaat killiffinni assigiinngitsuni anguniagaat, imarisaat annertussusaallu pillugit malittarisassanik aalajangersaassapput (ilikkagassatut pilersaarutit).

#### *Ilinniakkatigut sammiviit*

**§ 22.** Ilinniakkatigut sammivinnik ingerlatsinerup ilinniartut ilinniakkamut atatillugu itisilerinissamut ilinniakkallu nukitorsarnissaanut periarfississavai.

**§ 23.** Ilinniakkatigut sammivimmik ingerlatsineq 1800-2300 tiiminut naatsorsuussaavoq, ilinniartup ilinniakkatigut sammivimmik ilinniartitsissutinillu toqqagassanik toqqaanera apeqquaatillugu.

**§ 24.** Ilinniakkatigut sammivinnik ingerlatsinermut ilaapput ilinniartitsissutit pinngitsoorani peqataaffigisassat imminnut ataqtigiissut aamma ilinniartitsissutit ilinniartup nammineq toqqagai.

**§ 25.** Ilinniakkatigut sammivinni tamani ilinniartitsissutit makku pinngitsoorani ilaatinneqassapput:

- 1) Kalaallit oqaasii, killiffik A-mi.
- 2) Danskit oqaasii, killiffik A-mi.
- 3) Tuluit oqaasii, minnerpaamik killiffik C-mi.
- 4) Matematikki, minnerpaamik killiffik C-mi.
- 5) Inuaqtigiilerineq, minnerpaamik killiffik C-mi.
- 6) Namminerisamik ilinniarnermi suliassaq.

*Imm. 2. Ilinniakkatut sammivinni ataasiakkaani aammattaaq ilinniartitsissutit pinngitsoorani peqataaffigisassat marluk ilaapput. Ilinniartitsissutit killifiillu suunerannut ilinniakkatut sammiviit ataasiakkaat apeqquaatapput.*

**§ 26.** Ilinniarnertuunngorniarfiit ilinniartitsissutit toqqarneqarsinnaasut arlaqartut C-mik, B-mik A-millu killiffeqartut, ilinniakkatut sammiviit akimorlugit toqqarneqarsinnaasut neqeroorutigissavaat. Ilinniartitsissutit toqqarneqarsinnaasut ilinniartitsissutit ataatsimoortut iluanneersuussapput, ilinniartitsissutit ataatsimoortut teknikkimut-pinngortitamik ilisimatusnarnermut, inuaqtigiilerinermut, humanioramut, niuernermut

eqqumiitsuliornermullu tunngasutigut ilinniartitsissutit ataatsimoortut assigiinngitsut akornanneersuullutik.

*Imm. 2.* Tuluit oqaasii killiffik B-mi aamma A-mi ilinniarnertuunngorniarfinni tamani toqqagassatut neqeroorutaassapput. Rektori ilinniartitsissutit toqqagassat allat neqeroorutiginissaat pillugu aalajangiisassaaq, taamaattoq tak. imm. 3.

*Imm. 3.* Naalakkersuisut ilinniarnertuunngorniarfiit ilinniartitsissutinik toqqagassanik neqeroornissaat pilersitsinissaallu aamma ilinniartitsissutit killiffiillu suut ilinniarnertuunngorniarfiit ilinniartitsissutinik toqqagassanik neqeroorutaannut ilaasinaanersut pillugit malittarisassanik aalajangersaasinnaapput.

**§ 27.** Naalakkersuisut ilinniartitsissutit ataasiakkaat killiffinni assigiinngitsuni anguniagaat, imarisassat annertussusissaallu pillugit malittarisassanik aalajangersaassapput (ilikkagassatut pilersaarutit).

**§ 28.** Ilinniartup ilinniakkatut sammivimmik toqqaanermini pingaarnerniit tulleriaarlugit nalunaassavaa, ilinniakkatut sammivik sorleq ilinnialerfissatut kissaatiginerlugu ilinniarnertuunngorniarfimmilu sumiikkumanerluni.

*Imm. 2.* Ilinniartoq ilinniakkatut sammivimmi ilinniarnertuunngorniarfimmilu sallerpaatitamini ilinniartunngortinneqassaaq, taamaattoq tak. imm. 3-6.

*Imm. 3.* Ilinniakkatut sammivik toqcarneqartoq ilinniarnertuunngorniarfimmilu ilinniartup kommunianiittumi ilinniartullu ilinnialerfiginiagaani aamma ilinniarnertuunngorniarfinni allani neqeroorutigineqarpat, ilinniartoq ilinniakkatut sammivimmi kommunimini ilinniarnertuunngorniarfimmiumi ilinniartunngortinneqassaaq.

*Imm. 4.* Ilinniakkatut sammivik kommunerisami ilinniarnertuunngorniarfimmilu ilinniartup ilinnialerfigisassarinngisaani ilinniarnertuunngorniarfimmilu allani neqeroorutigineqarpat, ilinniartoq kommunerisamini ilinniarnertuunngorniarfimmilu ilinniakkatut sammivimmi toqqakkamini ilinniartunngortinneqassaaq.

*Imm. 5.* Ilinniakkatut sammivik toqcarneqartoq kommunerisami ilinniarnertuunngorniarfimmilu neqeroorutigineqanngippat, ilinniartoq ilinniakkatut sammivimmi ilinniarnertuunngorniarfimmilu ilinnialerfigiumallugu kissaatigisamini ilinniartunngortinneqassaaq, taamaattoq tak. imm. 6.

*Imm. 6.* Ilinniarnertuunngorniarfimmilu aalajangersimasumi ilinniakkatut sammivimmut aalajangersimasumut ilinniarfiup inissaqartitaaniit amerlanerulaartunik qinnuteqartoqarpat, Naalakkersuisut killilimmik amerlanerusunik ilinniartunngortitsisinnaaneq akuersissutigisinnaavaat. Ilinniarnertuunngorniarfimmilu aalajangersimasumi ilinniakkatut sammivimmut aalajangersimasumut ilinniarfiup inissaqartitaanit amerlaneroqisunik qinnuteqartoqarpat, rektorip qinnuteqartut pisinnaasaannik ilinnialerumallutilu piissutigisaannik ataatsimoortumik nalileereermigut aalajangissavaa, qinnuteqartut kikkut ilinniartunngortinneqassanersut. Qinnuteqartut ilinniartunngortinneqanngitsut pingaarnerniit tulleriaarinermanni tulliutsitartik naapertorlugu ilinniartunngortinneqassapput, malittarisassat maani nalunaarsorneqartut naapertorlugit.

**§ 29.** Ilinniarnertuunngorniarfiit ukiut tamaasa aalajangertassavaat, ilinniakkatut sammiviit suut ilinniarnertuunngorniarfinni ataasiakkaani neqeroorutiginiarneqarnersut, Naalakkersuisullu tamatumunnga piffissaliussaat sioqqullugu pineqartoq pillugu Naalakkersuisunut nalunaartassallutik.

*Imm. 2.* Naalakkersuisut ilinniarnertuunngorniarfik ilinniakkatut sammivimmik neqerooruteqarnissaanik itigartissinnaavaa, tamanna immikkut ittunik peqquteqarpat.

*Imm. 3.* Naalakkersuisut ilinniarnertuunngorniarfiit ilinniakkatut sammivinnik pilersitsinissamut sinaakkutissaat pillugit malittarisassanik aalajangersaasinnaapput,

tamatumannga ilanggullugu ilinniarnerunngorniarfiit ataatsimoorussamik ilinniakkatut sammivinnik neqerooruteqartarnissamut pisussaaffeqarnerat (ilinniakkatut sammiviit pinngitsoorneqartussaanngitsut).

*Nammineq piumassutsimik ilinniarneq*

**§ 30.** Ilinniarnerunngorniarfiit ilinniartut namminneq piumassutsiminnik peqataaffigisinnaasaannik ilinniartitsinernik neqerooruteqarsinnaapput. Ilinniartitsineq ukioqatigiaat, klassit, holdit ilinniartitsissutillu akimorlugit neqeroorutigineqarsinnaavoq. Qulequttat nutaat ilinniartitsinermut ilaasut, ilinniartitsisummi pineqartumi misilitsinnerut ilaatinneqarsinnaanngilat.

*Imm. 2.* Rektorip ilinniartut neqeroorfigisinnaavai ilinniarnerunngorniarfiup atortui ilinniagassanik ilinniarnermut assigisaanulluunniit atorneqarsinnaatillugit, tassuunakkut ilinnianermi avatangiiseqarneq ilinniarttullu tamarmik ilinniakkamikkut pissarsilluarnissamut toqqammaviat nukitorsarumallugit.

*Ilinniartitsinermi oqaatsit aamma oqaatsinik ilinniartitsinermi tunngaviit*

**§ 31.** Ilinniartitsinermi oqaatsit tassaapput kalaallit danskillu oqaasii. Aammattaaq tuluit allamiulluunnit oqaasii allat ilinniartitsinermi oqaatsitut atorneqarsinnaapput.

*Imm. 2.* Ilinniartitsinermi oqaasilerinermi oqariaatsit ataatsimoorussat atorneqassapput.

**§ 32.** Kalaallit oqaasiisa killiffik A-mi ilitsoqqussaralugu oqaatsitut ilinniartitsissutiginerat eqaassangikkaanni, ilinniartitsissutini tamani ilinniartitsinermi allamiut oqaasiinik ilinniartitseraaseq ilinniartut oqaatsitigut ineriarornerannik ilinniagassatigullu pissarsinerannik nukitorsaasoq tunngavigineqassaaq.

*Suleriaatsit aamma perorsaanikkut tunngaviit*

**§ 33.** Ilinniarneq tamaat ilinniartitsissutinilu tamani ilinniagaq ingerlanneqassaaq atuinissamut sammisut atuagarsornerlu pingartillugit.

*Imm. 2.* IT ilinniartitsissutini tamani ilinniartitsinermut ilaassaaq.

*Imm. 3.* Ilinniarneq tamaat ilinniarnermi periutsinik sungiusarneq ingerlaavartumik ilinniartitsinermut ilaatinneqassaaq.

**§ 34.** Ilinniartitsinerup ilaa ilinniarnermi takusassarsiornertut, paasisassarsiorluni angalanertut il.il. aaqqissuunneqarsinnaavoq.

**§ 35.** Ilinniartitsineq taassumaluunniit ilaa ungasianiit ilinniartitsinertut aaqqissuunneqarsinnaavoq.

*Imm. 2.* Ilinniartoq nalunaareeraluarluni ungasianiit ilinniartitsinermut peqataanngippat, ilinniartup ilinniarnerunngorniarfiata pisussaaffigaa, sapinngisamik ilinniartup ilinniakkami nalinginnaasumi kinguaattooruteqarani ilinniarnerunngorniarfimmi ilinniartup ilinniartuuffigeriigani ilinniarnerunngorniarfimmiluunniit allami ingerlaqqinnissaata isumaginissa.

*Imm. 3.* Naalakkersuisut ungasianiit ilinniartitsineq pillugu malittarisassanik erseqinnerusunik aalajangersaasinnaapput.

**§ 36.** Ilinniarnerup ilaa nunani allani ilinniarfimmi ingerlanneqarsinnaavoq, ilinniartunit immikkut aaqqissuussinermut Naalakkersuisunit akuerineqartumut nalunaaqqasunit, tamanna sumoortumik pilersaarusiugaappat. Ilinniarneq nunami allami semesterimi ataatsimi imaluunniit Naalakkersuisunit immikkut akuerineqareernikkut ukiut marluk tikillugit pisinnaavoq. Tunngaviusumik ilinniarneq nunani allani pisinnaanngilaq.

*Imm. 2.* Ilinniartoq nalunaareeraluarluni nunami allami ilinniarfimmi ilinniarnermut peqataanngippat, ilinniarneretuunngorniarfiata pisussaaffigaa, sapinngisamik ilinniartup ilinniakkami nalinginnaasumi kinguaattooruteqarani ilinniarneretuunngorniarfimmi ilinniartup ilinniartuuffigeriigani ilinniarneretuunngorniarfimmiluunniit allami ingerlaqqinnissaata isumaginissaat.

- § 37.** Ilinniartitsineq ilinniarneq tamaat aaqqisugaassaaq ima,
- 1) ilinniartunut tamanut unamminartoqarluni sammisaqartitsiffiulluni,
  - 2) ilinniartunit tamanit ilinniartitsissutini tamani nikerassutsimik siuariartussutsimillu naapitaqarfiusalluni,
  - 3) ilinniartunit tamanit ilinniartitsissutini tamani ilinniakkamut atatillugu oqaatsinik pilersitsinermi siuariartussutsimik naapitaqarfiusalluni aamma
  - 4) ilinniagaq ataatsimut isigalugu ilinniartitsissutinilu ataasiakkaani anguniakkat anguneqassallutik.

#### *Ilinniartitsisooqatigiit*

**§ 38.** Klassini tamani tunngaviusumik ilinniarfiusuni aamma ilinniakkatigut sammivinnik ingerlatsiffiussuni ilinniartitsisooqatigiit rektorimit katiterneqassapput, taakku ilinniartitsisunik marlunnik amerlanernilluunniit inuttaqassapput, klassimilu ilikkariartornermi avatangiiserisanik toqqisisimanartunik ilinniartullu ataasiakkaat peqqissutut misigisimanerannik inerisaanissaq siunertalarugu, tassuunakkut ilinniagassanut sammineq inerisarneqaqqullugu ikerinnakkullu unittarerit pinaveersaardeeqaqqullugit.

*Imm. 2.* Ilinniartitsisooqatigiit suliassaraat klassimi kulturip klassimilu toqqisisimanerup pilersinnissaat, suliassat perorsaanikkut ilinniakkamullu tunngasutigut perorsaanikkut ikorfartuutaasut isumaginissaat aamma allaffissornikkut suliassat ilinniartitsisooqatigiit siunertaannut attuumassuteqartut isumaginissaat.

*Imm. 3.* Ilinniartitsisooqatigiit ilinniartitsisullu ilinniartitsisooqatigiinnut ilaasut klassip ilinniarnermut ilitsersuisua suleqatigissavaat, aamma ikorfartuisoqartitsilluni aaqqissuussinerit pilersinmissaannut peqataassallutik.

*Imm. 4.* Rektorip ilinniartitsisooqatigiit ilinniartitsisooqatigiinnilu ilinniartitsisut ataasiakkaat ilinniartitsinerup pilersaarusrorneranut, ingerlanneranut, nalilerneranut inerisarneranullu naleqqiullugu sunik suliakkerneqarnissaat erseqqinnerusumik aalajangissavaa.

*Imm. 5.* Rektorip ilinniartitsisooqatigiit ilinniartitsisooqatigiinnilu ilinniartitsisut ataasiakkaat taakkununnga ilaasut atuuffissaasa sivisussusissaa aalajangissavaa.

#### *Ikorfartuineq, ilitsersuineq siunnersuinerlu*

**§ 39.** Ilinniarneretuunngorniarfiup ilinniartut ataasiakkaarlugit ikorfartuinissamik, siunnersuiner mik aamma ilinniakkatigut sammivimmik toqqaaniarneranni, ilinniartitsisut toqqagassat toqqarniarneranni, ilinniakkap naammassinssaa pillugu aamma ilinniakkamik inuutissarsiummillu toqqaaniarneranni ilitsersorneqarnissaannik neqeroorfigissavai. Suliassat tamakkiisumik ilaannakortumilluunniit piffissap ilinniartitsiffiup skemaqartup avataani isumagineqarsinnaapput.

*Imm. 2.* Rektorip qularnaassavaa piffissap ilinnniarfiup ilaatut ilinniakkatigut periutsitigullu ilinniartitsissutini ataasiakkaani aamma ilinniartitsissutit imminnut ataqtigiinnerat pillugu ilitsersuisoqarnissaq. Rektori ilitsersuinerup aaqqissugaanerata pilersaarusrusiorneratalu aaqqissuunnissaat pillugit erseqqinnerusumik aalajangiissaq.

*Imm. 3.* Rektori minnerpaamik semesterimut ataasiarluni klassit ilinniartulluunniit ataasiakkaat pillugit pissutsit, klassimi ilinniartitsisui ilinniartitsisooqatigiillu peqatigalugit oqallisigassavai.

*Imm. 4.* Ilinniartut siunnersuinermut ilitsersuinermullu, imm. 1 aamma 2 naapertorlugit ingerlanneqartumut peqataasussaatitaapput.

*Imm. 5.* Naalakkersuisut ikorfartuineq, siunnersuineq ilitsersuinerlu pillugit malittarisassanik aalajangersaasinnaapput, tamatumunnga ilanngullugit ilitsersuisunit pisinnaasatigut piumasaqaatit.

#### *Ingerlatsinerit immikkut aaqqissuussat*

**§ 40.** Rektorip ilinniartut qinnuteqareernerisigut ilinniarnerannik sivikillisaassinaavai ilinniartitsissutinilu misilitsinnissamut peqataannginnissaat akuerisinhaallugu, ilinniartoq ilinnialinnginnermini ilinniartitsissut ilinniarnerantuunngorniarfimmi taama qaffassisusilimmik qaffasinnerusumilluunniit killiffeqartumik naammassereersimappagu.

*Imm. 2.* Aammattaaq rektorip qinnuteqartoqareerneratigut ilinniartoq piffissamik ilinniarfianik sivikillisaassinaavaa, ilinniartitsissutinik paarlaassineq ilanngullugu, ilinniarnermit imaluunniit misilitsinnermit ilinniarnerup aallartinnera sioqqullugu naammassereerneqarsimasumit ilinniarnerulluunniit ilaa ingerlatereersimappagu, ingerlatsisimanera rektorip naliliinera naapertorlugu ilinniakkami ilinniarnerup ilaanut taarsiussinnaappat.

*Imm. 3.* Ilinniartunut imm. 1 imaluunniit 2 naapertorlugu sivikillisaanneqartunut ilinniarnerantuunngorniarfik immikkut aaqqissuussanik ingerlatsisinjaavoq, nalinginnaasumik ilinnianertuunngorniartarnernit sivikinnerusunik.

*Imm. 4.* Ilinniartoq sivikillisaanneqarnissaminik akuerineqarsimaguni, ilinniartitsisummi sivikillisaanneqarfimmi taarsigaani ilinniartitsinermut misilitsinnermulluunniit peqataanissaminik piumasaqaateqarsinjaanngilaq.

*Imm. 5.* Naalakkersuisut sivikillisaanneqartarneq pillugu malittarisassanik erseqqinnerusunik aalajangersaasinnaapput, tamatumunnga ilanngullugit ilinniartitsissutit suut sivikillisaaffigineqarsinjaanersut, qanorlu annertutigisumik ilinniartitsissutit sivikillisaaffigineqarsinmasut atatsimoortumik soraarummeernermet ilaasinnaanersut.

**§ 41.** Naalakkersuisut ingerlatsinerit immikkut aaqqissuussat, inunnut ukiunik pingasunik sivikinnerusumik ilinniarnerantuunngorniarnissamik kissaateqartunut saaffiginnittut pillugit malittarisassanik aalajangersaasinnaapput.

**§ 42.** Rektorip ilinniarnerantuunngorniarneq sivitsorsinjaavaa ilinniartunut ilinniakkamikku pissutsit, peruluutaasumik napparsimaneq innarluutilluunniit pissutigalugit ilinniartitsinermut nalinginnaasumik malinnaaniapiloortunut atallugu.

*Imm. 2.* Ilinniartut napparsimanertik pissutigalugu piffissami sivisunerusumi ilinniakkamut malinnaasinnaanngitsut, periarfissaqarnera naapertorlugu napparsimanermanni ilinniartinneqarnissaminnik neqeroorfingineqassapput.

*Imm. 3.* Rektorip ilinniartoq innarluutilik timersornermit ilinniartitsinermut peqataannginnissaanik akuerisinjaavaa, innarluutaata ilinniartitsinermut peqataanissaa ajornakusoortippagu, ilinniartitsissut toqqarneqarsinjaasoq sorleq ilinniartup paarlallugu peqataaffigissaneraa rektorip ilinniartoq oqaloqatigisinnarlugu aalajangissavaa.

*Imm. 4.* Naalakkersuisut imm. 2-mi napparsimasunik ilinniartitsineq pillugu erseqqinnerusunik malittarisassaliorsinnaapput, tamatumunnga ilanngullugu ilinniarnertuunngorniarfiup ilinniartumut saaffiginnittussaatitaanera aamma misilitsinnerit soraarummeernerillu naleqqussakkat, tak. imm. 1.

**§ 43.** Ilinniartut pisariaqartitsisut perorsaanikkut tapersiissutaasumik immikkut aaqqissuussinernik neqeroorfigineqassapput.

*Imm. 2.* Perorsaanikkut tapersiissutaasumik immikkut aaqqissuussinernit ilinniartumut periarfissiissutigineqassapput, tamanna pillugu immikkut ilisimasallit oqaaseqareernerisa kingorna ilinniartup pisariaqartitaanik, pisariaqartitat pineqartut ikiorsiivigineqarsinnaanerannik periarfissanut sanilliussilluni, rektorip tigussaasumik nalileereerneratigut. Ingerlatsinerit ilinniartup ilinniartitsisualu oqaloqatigineqareernerisigut aallartissapput. Ilinniartoq suli oqartussaasunik angajoqqaqarpat ingerlatsineq aallartissaq angajoqqaatut oqartussaassuseqartoq suleqatigalugu.

*Imm. 3.* Naalakkersuisut perorsaanikkut tapersiissutaasumik immikkut aaqqissuussinernit pillugit malittarisassanik aalajangersaasinnaapput.

## **Kapitali 4** *Naliliineq uppernarsaasiinerlu*

### *Ingerlaavartumik naliliineq*

**§ 44.** Ilinniartut ataasiakkaat ilinniartinneqarnerminni pissarsiaat pillugit ingerlaavartumik nalilersuisoqassaaq. Naliliinermi ilinniartup nammineq imminut nalilernera ilaatinneqassaaq.

*Imm. 2.* Naliliinerup ilinniartoq nammineq siumukassusianik paasissutississavaa, tassuunakkut ilinniartup ilikkariartoqqinnera inerikkiartorneralu pillugit ilitsersuinissamut tunngavissiisoqqaqqullugu, tamatumunnga ilanngullugit ilinniakkatut sammivimmik, ilinniartitsissutinik ilinniartitsissutinillu toqqagassanik toqqaanissamut tunngasut.

Aammattaaq naliliinerup tunngavississavaa ilinniartup ilinniartitsinermik ingerlanneqareertumik naammaginartumik pissarsisimaneranik rektorip naliliinissaa, tak. § 53.

*Imm. 3.* Naalakkersuisut ingerlaavartumik naliliisarneq, tamatumunnga ilanngullugu naammagittaallior tarneq, pillugit erseqqinnerusumik malittarisassaliussapput.

**§ 45.** Ilinniartup ilinniartitsinermik pissarsiaqarnera pillugu ilinniarnertuunngorniarfiup isumaanik angajoqqaatut oqartussaatitaasut akuttunngitsumik ilisimatinneqartassapput.

*Imm. 2.* Naalakkersuisut angajoqqaatut oqartussaatitaasut ilisimatinneqartarnissaat pillugu erseqqinnerusunik malittarisassaliorsinnaapput.

### *Inaarutaasumik naliliineq uppernarsaasiinerlu*

**§ 46.** Inaarutaasumik naliliineq pissaaq ataatsimoortumik naliliinertut (ilinniarnertuutut soraarummeerneq), tassungalu ilaassapput Naalakkersuisunit aalajangerneqartumik oqaluttariarsorluni allattariarsorlunilu misilitsinnerit arlaqartut aamma ilinniartut ataasiakkaarlutik ilinniarnerminni suliaat. Ilinniartitsissutini kalaallit aamma danskit oqaasiini allattariarsorluni misilitsittoqassaaq.

*Imm. 2.* Aammattaaq ilinniarnertuutut soraarummeertoqarsinnaavoq ilinniartitsissutini ataasiakkaani, ilinniartitsissutini pinngitsoorani peqataaffigisassani misilitsinnermi, ilinniartitsissutini toqqagassani pisariaqartunik amerlassusilinni aamma ilinniartut

ataasiakkaarlutik ilinniarnerminni suliaanni karakteerinik katiterinikkut. Tamanna pillugu Naalakkersuisut malittarisassanik erseqqinnerusunik aalajangersaasinnaapput.

*Imm. 3. Misilitsinnerit imm. 1-imi taaneqartut namminneerlukit ilinniartunit misilitsiffiusinnaapput, tak. § 54, imm. 2. Naalakkersuisut namminneerlukit ilinniartut misilitsittarnerat pillugu malittarisassanik erseqqinnerusunik aalajangersaasinnaapput.*

**§ 47.** Ilinniarbertuutut soraarummeernermut ilaasinnaapput ilinniartitsissutini tamani misilitsinnerit, taamaallaat ilinniartitsissutit timersorneq, nipilersorneq aamma assilissanik equmiitsuliorneq killiffik C-miittut pinnagit, kiisalu ilinniartitsissutit science ilinniarnermilu periutsit pinnagit. Misilitsinnerit ilinniartitsissutit arlariinngorlugit ingerlanneqarsinnaapput.

*Imm. 2. Naalakkersuisut ukiut tamaasa aalajangertassavaat, qaqqugukkut misilitsinnerit qitiusumiit suliakkiissutallit ingerlanneqartassanersut. Rektorip aalajangissavaa misilitsinnerit allat ilinniarbertuunngorniarfinni ataasiakkaani qaqqugukkut ingerlanneqassanersut, piffissaliussat Ilinniartitaanermut Naalakkersuisoqarfiup aalajangiuussaasa iluanni.*

*Imm. 3. Naalakkersuisut ukiut tamaasa aalajangertassavaat, ilinniartut ataasiakkaat ilinniartitsissutini sorlerni misilitsissanersut. Ukiut ilinniartifit tamaasa rektorip ilinniartunut ilisimatitsissutigissavaa, ilinniartitsissutini sorlerni misilitsittoqassanersoq.*

**§ 48.** Misilitseriaaseq apeqquataatinnagu ilinniartut ataasiakkaarlutik nalilerneqassapput.

**§ 49.** Rektorip misilitsinnerit isumagissavai aamma misilitsinnernut soraarummeernernullu uppernarsaatit suliariissallugit.

*Imm. 2. Soraarummeerluni angusinerup kingorna ilinniartoq soraarummeersimanermut uppernarsaammik tunineqassaaq.*

*Imm. 3. Soraarummeersimanermut uppernarsaatip nalinginnaasumik imarissavai misilitsinnermi karakteerit, ukiumut karakteerit aamma ilinniartut ataasiakkaarlutik ilinniarnerminni suliaanni karakteeri. Soraarummeerlunut uppernarsaammi karakteerit, assigiinngitsunik naleqartinneqarlutik, soraarummeernermi angusanut ilaasinnaapput.*

*Imm. 4. Ilinniartunut ilinniarbertuunngorniarfimmi atuartitsissutinik ilinniarbertuutut soraarummeeratik naamassisunut imaluunniit ilinniarnerminnik ikerinnakkut unitsitsisunut rektori uppernasaasiussaaq, tassanilu ilisimatitsissutigineqassapput ilinniartoq ilinniartitsinernut sorlernut peqataasimanersoq aamma ingerlaavartumik naliliinermi angusaasut, kiisalu paasissutissat naapertuuttut allat, ilinniartup ataatsimoortumik naliliinermut ilanngunneqartussatut kissaatigisai.*

**§ 50.** Naalakkersuisut inaarutaasumik naliliineq uppernarsaasiinerlu pillugit malittarisassanik erseqqinnerusunik aalajangersaassapput, tassunga ilanngullugit atuagassat annertussusiat, piumasaqaatit soraarummeerutissatullu pisassiissutit, misilitsinnerit, suliakkiissutit, naliliineq, nalileeqataaneq, karakteerit taakkualu soraarummeernermi angusaasuni nalingat, soraarummeernermut uppernarsaatit, soraarummeernissamut nalunaarneq, soraarummernissamik pilersaarusrorneq, napparsimasunik soraarummeersitsineq, naamagittaalliorneq il.il.

#### *Nalileeriaatsit ingerlaqqinnerlu*

**§ 51.** Ilinniartut ataasiakkaat ilinniakkamut tunngatillugu pisinnaasaat angusanut tunngatillugu karakteerit, ilinniartifup iluani misilitsinnermi karakteerit aamma oqaasiinnakkut allakkatigullu oqaaseqaatit atorlugit nalilerneqartassapput.

*Imm. 2.* Angusanut tunngatillugu karakterit tassaapput, ilinniartitsisummi pineqartumi ilinniakkatigut ilisimasassani anguniakkanik, ilikkagassatut pilersaarummi paasinninnermut periutsinullu tunngatillugu ilinniartut ataasiakkaat karakteriliinerup nalaani qanoq piviusunngortitsitiginerannik oqariartuutit.

*Imm. 3.* Ilinniarifiup iluani misilitsinnermi karakterip oqariartutigaa ilinniartut ataasiakkaat suliassiissummut naleqqiullugu ilinniakkatigut ilisimasassani anguniakkanik, paasinninnermut periutsinullu tunngatillugu qanoq piviusunngortitsitiginerat.

*Imm. 4.* Oqaasiinnakkut allakkatigullu oqaaseqaatit oqariartutigaat ilinniartut ataasiakkaat suliassiissummut naleqqiullugu ilinniakkamilu pineqartumi ilinniakkatigut ilisimasassani anguniakkanik, paasinninnermut periutsinullu tunngatillugu qanoq piviusunngortitsitiginerat.

*Imm. 5.* Naalakkersuisut nalileeriaatsit pillugit malittarisassanik erseqqinnerusunik aalajangersaasinnaapput.

**§ 52.** Suliassat suliniutillu anginerusut ilinniartut suleqataaffigisaat immikkoortillugit nalilerneqassapput.

**§ 53.** Rektorip ilinniartup 1.G-miit 2.G-mut imaluunniit 2.G-miit 3.G-mut nuunnissaa itigartitsissutigisinnaavaa, nalilerneqarpat ilinniartoq ataatsimut isigalugu ilinniartitsinermik ingerlanneqareersumik naammaginartumik pissarsisimanngitsoq. Tamatumani pisariaqarpoq, kisiannili klassimut tullermut nuunnissamik itigartitsinermut kisimi pequtaasinnaananai, ilinniartup angusanut tunngatillugu semesterimi imaluunniit killiffimmini karakteriisa angusinissamut killigititaasunit appasinnerunissaat.

*Imm. 2.* Naalakkersuisut rektorip ilinniartup klassimut qaffasinnerusumut nuunnissaanik itingartitsisinnaanera pillugu malittarisassanik erseqqinnerusunik aalajangersaasinnaapput, tamatumunnga ilanggullugu ilinniartup ilinniartinneqaqqinnissanik sunik neqeroorfineqassanersoq.

## Kapitali 5

*Pinngitsoorani takkuttussaaneq aamma suleqataalluarluni peqataanissaq il.il.*

**§ 54.** Ilinniartut pinngitsooratik takkuttussaatitaapput ilinniartitsinermullu suleqataalluarlutik peqataassallutik, taammaattoq tak. imm. 2.

*Imm. 2.* Ilinniartut ilinnialerumallutik qinnuteqarnerminnut atatillugu ilinniarnerullu ingerlanerani nalunaarutigisinnaavaat, ilinniarnertik imaluunniit ilinniarnermk ilaa nammineerluni ilinniarnertut ingerlakkumallugu, tamannalu ima paasineqassaaq, ilinniartoq ilinniarnertuunngorniarfimmi tamakkiisumik ilaannakortumilliunniit ilinniartuunngikkaluarluni ilinniakkami pineqartumi misilitsinnissamut nalunaartoq. Naalakkersuisut nammineerlutik ilinniartut pillugit malittarisassanik erseqqinnerusunik aalajangersaasinnaapput.

*Imm. 3.* Rektorip ilinniartut takkutinngitsoortarnerat akuleruffigissallugu pisussaaffigaa. Tamanna pillugu aalajangersakkat ilinniarnertuunngorniarfiup ilinniarnermut ileqqorissaarnissamullu malittarisassaani aalajangersarneqarsinnaapput, tak. § 55.

**§ 55.** Rektorip ilinniarnertuunngorniarfiup ilinniarnermut ileqqorissaarnissamullu malittarisassai aalajangersassavai, taamaattoq tak. imm. 3. Rektorip ilinniarnermut ileqqorissaarnissamullu malittarisassat pillugit ilinniartut ilisimatissavai. Rektorip ilinniarifiup ilinniarnermut ileqqorissaarnissamullu malittarisassai Naalakkersuisunut ilisimatitsissutit nassutissavai.

*Imm. 2.* Ilinniartunut ilinniarnermut ileqqorissaarnissamullu malittarisassanik maleduaanngitsunut iliuserisassat pillugit rektori aalajangiissaq. Ilinniartut arlaleriarlutik

imaluunniit sakkortuumik ilinniarfiup ilinniarnermut ileqqorissaarnissamullu malittarisassaanik unioqqutitsisut, rektorip ilinniarfimmiit anisisinnaavai.

*Imm. 3.* Naalakkersuisut ilinniarnermut ileqqorissaarnissamullu malittarisassat pillugit malittarisassanik erseqqinnerusunik aalajangersaassapput, tamatumunnga ilanggullugit pinngitsoorani takkuttussaataitaaneq atuanngitsoortarnerillu pillugit aamma ilinniartunut ilinniarnermut ileqqorissaarnissamillu malittarisassanik malinninngitsunut iliuseqarneq.

## **Kapitali 6** *Ilinniartitsisut*

**§ 56.** Ilinniartitsisut pisussaaffigaat ilinniartut ataasiakkaat ilinniakkamikkut pissarsinissaat sulissutigissallugu taamatullu ilinniartut ataasiakkaat klassillu toqqisisimasumik atugaqarnissaat. Ilinniartitsisut pisussaaffigaat ilinniarnermi avatangiisit toqqisisimasut kajumissuseqalernartullu, inuit ataasiakkaat kulturikkut inooqatigiissutsikkullu tunuliaquaannik ataqqinninnermik akaareqatigiinnermillu ersiuteqarfiusut pilersinnissaat.

**§ 57.** Ilinniartitsisut inatsit manna naapertorlugu ilinniartitsisut, ilinniarnertuunngorniarfimmi ilinniartitsisummi ataatsimi amerlanerniluunniit ilinniartitsinissamut piginnaaneqassapput, taamaattoq tak. imm. 2 aamma 3 aamma § 77. Ilinniartitsinermik piginaasaqarnermut ilaapput ilinniartitsissutitigut, tak. § 58, perorsaanikkullu piginnaasaqarneq, tak. § 59.

*Imm. 2.* Naalakkersuisut ilinniartitsissutitigut perorsaanikkullu piginnaasaqarnissaq erseqqinnerusumik malittarisassaliussavaat, tamatumunnga ilanggullugit §§ 58-59-imi piumasaqaatinik aalajangersarneqartunik sanioqqutitsinissamut periarfissat.

*Imm. 3.* Naalakkersuisut malittarisassiuussinnaavaat piumasaqaatit suut naapertorlugin inuit ilinniartitsinermik piginnaasaqanngitsut piffissami killilimmi ilinniarnertuunngorniarfimmi ilinniartitsisinhaassanersut.

**§ 58.** Ilinniartitsinermik piginnaasaqarnissamut piumasaqaataavoq universitetimi ilinniarfimmiluunniit qaffasinnerusumi allami kandidatitut soraarummeersimanissaq ilinniartitsissutini ilinniarnertuunngorniarfiup ilinniartitsissutigisartagaani ataatsimi amerlanerniluunniit, immikkut ilinniagaq ilanggullugu, taamaattoq tak. imm. 2. Ilinniartitsissutit marluk akuleriisillugit ilinniakkami ilinniartitsissutit tamarmik ilinniarnertuunngorniarfiup ilinniartitsissutigisartagaanut ilaassapput. Aammattaaq piumasaavoq, ilinniagaq immikkuualtorttamigut atatsimoortumillu isigalugu ilinniartitsisummut periutsinullu tunngatillugu ima atitussuseqarlunilu itissuseqassasoq, ilinniartitsisoq illersorneqarsinnaasumik ilinniartitsisummi ilinniartitsisinhaalluni – ilinniarnertuunngorniarluni ilinniakkap anguniagaanut naleqqiullugu.

*Imm. 2.* Ilinniakkamut naleqqiullugu piginnaasaqassuseq aammattaaq ilinniagaq alla aqqtigalugu pissariarineqarsinnaavoq, malitsigisaanik suliamut tunngatillugu piginnaaneqalissutaasumik naapertuuttumik inuutissarsiummik ingerlatisimamanermik tapertaqarsinnaasumik.

*Imm. 3.* Ilinniartitsisut, ilinniartitsissutini inuutissarsiummut sammisuni ilinniartitsisuusut, inuutissarsiummik misilittagaqassapput.

*Imm. 4.* Rektorip ilinniartitsisut ilinniarnertuunngorniarfimmi atorfinniinneranni ilinniartitsissutini piginnaasaqartutut akuerissavai.

**§ 59.** Perorsaanikkut piginnaasaqarneq anguneqassaaq paedagogikummip naammassineratigut, taanna tassaavoq ilinniartitsisunut atorfinerlaanut perorsaanikkut

ilinniagaq. Pædagogikum atuagarsornertaqarlunilu ilinniartitsinertaqarpoq, tamatumanilu ilaallunissaaq ilinniarnertuunngorniarfimmi klassini ilinniartitsineq.

*Imm. 2.* Ilinniartitsisut pædagogikummip naammassineratigut ilinniartitsinermik pisinnaasaqalissapput, ilinniarnertuunngorniarfimmi ilinniakkap ilusaa aamma ilinniarnertuunngorniarfiup aaqqissugaanera paasisaqarfingissallugit, ilinniartitseriaatsit atuagarsornikkut ilisimasaqarfingissallugit, kiisalu ilinniakkap inuiaqatigiinnut avatangiiserisanut ataqatigiinnera paasisaqarfingissallugu.

*Imm. 3.* Pædagogikum ilinniarnertuunngorniarfimmi aalajangersimasumik atorfegalernermit siullermiit ukiut siulliit marluk ingerlaneranni naammassineqassaaq. Immikkut inuttut peqqutissaqartillugu imaluunniit ilinniarfip isumassornissaanut pingaartuteqarpat rektorip akuerisinnaavaa pædagogikummip ilinniarnertuunngorniarfimmi atorfininnerup siulliup kingorna ukiut pingasut tikillugit kinguartinnissaa.

*Imm. 4.* Naalakkersuisut pædagogikummimut atatillugu pikkorissarnerit misilitsinnerillu akisussaaffigaat

**§ 60.** Naalakkersuisut ilinniartitsinikkut piginnaasaqarlernermut uppernarsaat suliarissavaat.

*Imm. 2.* Naalakkersuisut tamanna pillugu qinnuteqartoqareerneratigut ilinniartitsisoq nunanit allaneersoq ilinniartitsinissamut piginnaanilersinnaavaat, ilinniartitsisoq nunami pineqartumi assingusumik ilinniartitsisutut piginnaaneqarpat.

**§ 61.** Ilinniartitsisut ilisimatusarnermik tunngaveqartunik ilinniaqqinnissamik neqeroorutit peqataaffiginissaat pisinnaatitaaffigalugillu pisussaaffigaat.

## Kapitali 7

### Rektori

**§ 62.** Rektori tassaavoq ilinniarnertuunngorniarfiup ulluinnarni aqutsisua, perorsaanikkut allaffissornikkullu suliassanik ilinniarfip sulisuinut naleeqqiuullugu aqutsillunilu agguassisartoq. Ilinniarfinni akuerisaasuni rektorip suliassai ilinniarfip pisortaanit imaluunniit ilinniarnertuunngorniarnermut akisussaasussatut pisortatut atorfinitsitaasumit isumagineqassapput. Rektori aamma pisortaq naggatit aappaanni eqqaaneqartoq inatsimmi matumani rektorimik taaneqarput.

*Imm. 2.* Ilinniarnertuunngorniarfinni rektori Naalakkersuisunit atorfinitsinneqarlnilu soraarsinneqassaaq, Ilinniarfinni akuerisaasuni ilinniarnertuunngorniarnermut akisussaalluni pisortaq, tak. imm. 1, naggatit aappaat, malittarisassat ilinniarfimmut atuuttut naapertorlugit atorfinitsinneqarlnilu soraarsinneqatassaaq.

*Imm. 3.* Ilinniarnertuunngorniarfinni rektori ilinniarnertuunngorniarfiup ilinniartitsineranut, misilitsinnernut soraarummeernernullu tunngatillugu ilinniakkatigut, perorsaanikkut allaffissiorikkullu Naalakkersuisunut akisussaavoq. Ilinniarfifit akuerisaasut assingusumik akisussaaffeqarput, malittarisassat ilinniarfimmut atuuttut naapertorlugit.

*Imm. 4.* Ilinniarnertuunngorniarfinni rektorip ilinniarnertuunngorniarfiup ilinniartitsisuisa sulisuisalu allat atorfinitsinissaat soraarsinissaallu Naalakkersuisunut inassutigisassavaa. Ilinniarfinni akuerisaasuni ilinniartitsisut sulisullu allat malittarisassat ilinniarfimmut atuuttut naapertorlugit atorfinitsinneqarlutillu soraarsinneqartassapput.

*Imm. 5.* Rektorip ilinniarfip ilinniartui pillugit aalajangigassat aalajangersimasut tamaasa aalajangiiffigisassavai, inatsit manna imaluunniit inatsit manna naapertorlugu malittarisassat aalajangiunneqartut allatut piumasaqaateqanngippata.

**§ 63.** Rektori, taamaattoq tak. § 78, aqtsinermik aamma ilinniarternertuunngorniarfiup ilinniartitsissutaani minnerpaamik ataatsimi ilinniartitsinkut piginnaasaqassaaq, tak. § 58 aamma ilinniartitsinkut piginnaasaqarneq, tak. § 59.

**§ 64.** Rektorip ilisimatusarnermik tunngaveqartunik ilinniaqqinnissamik neqeroorutit peqataaffiginissaat pisinnaatitaaffigalugillu pisussaaffigaa.

## **Kapitali 8** *Siunnersuisutut ingerlataqartut*

**§ 65.** Ilinniarternertuunngorniarfinni ataasiakkaani tamani ilinniartitsisut siunnersuisartoqatigiiliussapput, taakkualu rektorimut suliamut atatillugu, perorsaanikkut ingerlatsinikkullu pissutsit pillugit siunnersuisartuupput.

*Imm. 2.* Ilinniartitsisut aalajangissavaat ilinniartitsisut siunnersuisartoqatigiivi tassaassanersut ilinniarternertuunngorniarfimmi ilinniartitsisut tamarmik imaluunniit ilinniartitsisut peqataatitaannik inuttaqartut, ilinnarfimmi ilinniartitsisunit taakkualu akornannit toqqakkat. Ilinniartut siunnersuisartoqatigiivisa peqataatitaat ilinniartitsisut siunnersuisartoqatigiivisa ataatsimiinnerini malinnaasutut peqataasinnaavoq.

*Imm. 3.* Ilinniartitsisut siunnersuisartoqatigiivisa namminneq suleriaasissartik aalajangissavaat.

*Imm. 4.* Ilinniartitsisut siunnersuisartoqatigiivini sulineq piffissamat ilinniartitsisup ilinniartitsiffianut ilaasutut naatsorsuunneqarpoq. Sulineq ima aaqqissuuneqassaaq, ilinniartitsisoq sapinngisamik annertunerpaamik ilinniartitsinermik pilersaarusrrioriikkamik ingerlatsisinnaatillugu.

*Imm. 5.* Naalakkersuisut ilinniartitsisut siunnersuisartoqatigiivi pillugit malittarisassanik erseqqinnerusunik aalajangersaassapput, tamatumunnga ilanngullugit ilinniartitsisut siunnersuisartoqatigiivinut qinersisarneq, siunnersuisartoqatigiit sulinerat piffissarlu atuuffiat.

**§ 66.** Ilinniarternertuunngorniarfinni ataasiakkaani tamani ilinniartut ilinniartut siunnersuisartoqatigiviinik pilersitsissapput, ilinniartut pillugit pissutsini tamani rektorimut siunnersuisartussanik.

*Imm. 2.* Ilinniartut siunnersuisartoqatigiivi tassaapput ilinniartut peqataatitaannik inuttaqartut, ilinnarfimmi ilinniartunit taakkualu akornannit toqqakkat. Ilinniartitsisut siunnersuisartoqatigiivisa peqataatitaat ilinniartut siunnersuisartoqatigiivisa ataatsimiinnerini malinnaasutut peqataasinnaavoq.

*Imm. 3.* Ilinniartut siunnersuisartoqatigiivisa suleriaasissartik namminneq aalajangissavaat.

*Imm. 4.* Ilinniartut siunnersuisartoqatigiivini sulineq akissarsiaqaataanngilaq.

*Imm. 5.* Ilinniartut siunnersuisartoqatigiivini sulineq ima aaqqissuuneqassaaq, ilinniartooq sapinngisamik annertunerpaamik ilinniartitsinermik pilersaarusrrioriikkamik ingerlatsisinnaatillugu. Ilinniartut siunnersuisartoqatigiivni sulineq qaqtigoortumik ilinniartitsinerup pilersaarusrrioriikkap avataani pisinnaatinnagu, ilinniartut siunnersuisoqatigiivini sulineq ilinniartitsinerup ilaatut isigineqassaaq.

*Imm. 6.* Naalakkersuisut ilinniartut siunnersuisartoqatigiivi pillugit malittarisassanik erseqqinnerusunik aalajangersinnaapput, tamatumunnga ilanngullugit ilinniartut siunnersuisartoqatigiivinut qinersineq, ilinniartut siunnersuisartoqatigiivisa sulinerat atuuffiallu.

## **Kapitali 9** *Nakkutilliineq, pitsaassutsimik inerisaaneq naammagittaalliornerlu*

**§ 67.** Naalakkersuisut ilinniartitsineq, misilitsinnerit soraarummeernerillu inatsit manna naapertorlugu ingerlanneqartut qullersaaffigalugit akisussaaffigaat nakkutigisaralugillu.

*Imm.* 2. Naalakkersuisut qularnaassavaat ilinniarnertuunngorniarfinni tamani ilinniakkamut ilinniartitsinermullu atatillugu ingerlaavartumik pitsaassutsimik inerisaasoqarnissaa, tamannalu qularnaarumallugu avataaniit naliliinermik aallartitsisinnaallutik.

*Imm.* 3. Naalakkersuisut suliassanut perorsaanermut ingerlatsinermullu tunngasunut atatillugu rektori peqqusummik tunisinnaavaat. Rektori ilinniarfimmi akuerisaasumi atorfeqarpat peqqussut ilinniarfiup pisortaanut tunniunneqassaaq.

**§ 68.** Naalakkersuisut ilinniakkat, ilinniartut sulisullu pillugit paasissutissat pisariaqartut tamaasa ilinniarnertuunngorniarfinnit piniarsinnaavaat, tamatumunnga ilanngullugit ilinniarnertuunngorniarfiit alakkarnissaannik isumaginninneq nakkutilliinissaq aamma kisitsisitigut paasissutissanik suliaqarnissaq siunertalarugu, tamannalu pillugu malittarisassanik erseqqinnerusunik aalajangersaasinnaallutik.

*Imm.* 2. Ilinniarnertuunngorniarfiit Naalakkersuisullu akornanni elektroniskiusumik attaveqaqtiginneq pillugu malittarisassanik Naalakkersuisut aalajangersaasinnaapput, tamatumunnga ilanngullugit paasissutissanik tunniussinermi ilusissaat qanorlu ittuunissaat. Aammattaaq Naalakkersuisut nakkutilliinissamut isumannaallisaanissamullu piumasaqaatinik aalajangersaasinnaapput.

**§ 69.** Ilinniartoq aamma ilinniarnertuunngorniarumalluni qinnuteqartoq rektorip aalajangiineri pillugit, aalajangiinerup ilinniartumut qinnuteqartumulluunniit nalunaarutigineqarneraniit sap. ak. 2 qaangiutsinnagit, Naalakkersuisunut naammagittaalliuteqarsinnaavoq. Naalakkersuisut tamanna pillugu malittarisassanik erseqqinnerusunik aalajangersaassapput.

*Imm.* 2. Ilinniartoq qinnuteqartorluunniit angajoqqaatut oqartussaasuuffigineqarpat, aammattaaq angajoqqaatut oqartussaaffimmik piginnittoq naammagittaalliorstinnaavoq.

## **Kapitali 10** *Tapersiissutaasumik sammisassat*

**§ 70.** Naalakkersuisut pisussaaffigaat isumagissallugit:

- 1) Ilinniarnertuunngorniarneq pillugu paasissutissat ilitsersuutillu.
- 2) Ilinniakkanut atatillugu siunnersorteqarneq.
- 3) Ilinniartitsinermi atortunik inerisaaneq.
- 4) Ilinniarnertuunngorniarfimmi ilinniartitsisunut pisortanullu pikkorissarnissamik ilinniaqqinnissamillu neqerooruteqarneq.
- 5) Perorsaanikkut ilisimatusarneq inerisaanerlu, kiisalu ilinniarnertuunngorniarfiup ingerlatsineranik naliliineq.
- 6) Misilitsinnerit soraarummeernerillu aaqqissuunnerat.

## **Kapitali 11** *Aningaasalersuineq atuisullu akiliutaat*

**§ 71.** Ilinniarnertuunngorniarfiup sanaartugaataanut, ilinniartitsinermut ingerlatsinermullu aningaasartuutit tamaasa Namminersorlutik Oqartussat pisussaaffigaat, erseqqissumik inatsisitigut tunngaviligaannngippat, aningaasartuutit tamarmik ilaannaalluunniit allanit pisussaaffigineqartut.

**§ 72.** Ilinniarnerunuunngorniarfimmi ilinniarneq akeqanngilaq, taamaattoq tak. imm. 2-7. Ilinniartitsinermi atortut ilinniartitsinermut pisariaqartut iliniartunut akeqanngitsumik atugassanngortinnejassapput, taamaattoq tak. imm. 6.

*Imm. 2.* Ilinniartut ilinniarnermi takusassarsiorernut, paasisassarsiorluni angalanernut il.il., ilinniarnermut ilaasunut, peqataanerminnut akileeqquneqarsinnaapput (atuisut akiliutaat). Taamaattoq ilinniartitsinermut imaluunniit ilinniartitsisut peqataaneranni aningaasartuutinut akileeqqusisoqarsinnaanngilaq. Akiliunneqarluni angalanertut iluseqartumik akikillisaanneqarnerit peqataasunut tamanut iluaqtaassapput.

*Imm. 3.* Ilinniarnermi takusassasiornerit, paasisassarsiorluni angalanerit il.il. peqataasut nerisaqarnerinnarmut akileeqataaffigisaat, annerpaamillu ullut-unnuallu aallartittut tamaasa 50 kr-mik akeqartinneqartut, pinngitsoorani takkuttussaatitaanermut malittarisassanut ilaapput, tak. §§ 54-55. Ilinniartoq atuisutut akiliisimannnginnini pissutigalugu tamatumunnga peqataanngitsoortinneqarsinnaanngilaq.

*Imm. 4.* Ilinniarnermi takusassasiornerit, paasisassarsiorluni angalanerit il.il. nerisaqarnerinnaanngitsumut imaluunniit ullut-unnuallu aallartittut tamaasa 50 kr. sinnerlugu peqataasunit akiliiffiusut, ilinniartut ataasiakkaat namminneq piumassutsimikkut peqataaffigissavaat, ilinniarnerunuunngorniarfillu ilinniartunut peqataanngitsunut allatut aaqqissuussilluni ilinniartitsinissamik neqerooruteqassaaq.

*Imm. 5.* Ilinniartut § 36 naapertorlugu immikkut aaqqissuussinermut ilaasut, nunami allamiinnermut pineqartumut atatillugu nammineq angalanerminnun, namminneq najugaqarnerminnunut nerisaqarnerminnullu akileeqquneqarsinnaapput. Ilinniartitsinermut imaluunniit ilinniartitsisut peqataaneranni aningaasartuutinut ilinniartut akileeqquneqarsinnaanngillat. Naalakkersuisut ilinniartut nunani allaniinnerannut akiliutissap annertunerpaffissaa pillugu aalajangersaasinnaapput.

*Imm. 6.* Naalakkersuisut ilinniartut killilimmik namminneerlutik ilinniartitsinermi atortussanik piniarnissaat pillugu malittarisassanik aalajangersaasinnaapput.

*Imm. 7.* Ilinniartut ilinniartitsissutinik ataasiakkaanik ilinniartitsinermut peqataasut qaqugukkut ilinniartitsinermut peqataanerminnut misilitsinnernullu peqataanerminnut akiliisarnissaat pillugu aamma ilinniartut ilinniartitsinermut nalunaaqqanngikkaluarlutik (namminneq ilinniartut) misilitsinnerminnunut akiliuteqarnissaat pillugu Naalakkersuisut malittarisassanik aalajangersaasinnaapput.

## **Kapitali 12** *Misileraalluni inerisaallunilu suliat*

**§ 73.** Naalakkersuisut immikkut pisoqartillugu inatsit sanioqqussinnaavaat, tamanna misileraalluni sulinissap perorsaanikkullu inerisaanissap siuarsarnissaanik peqquteqarpat. Piumasaqaataavoq misileraalluni sulinerup inerisaanerullu ilinniartut ilinniarnerantuutut ilinniakkamik ingerlaqqiffiusumik ilinniarnermut tunngavissatut atornissaanut periarfissaat allatigullunniit pisinnaatitaaffii ajornerulersissanngikkaat.

*Imm. 2.* Naalakkersuisut ilinniartunut ataasiakkaanut tunngatillugu inatsit sanioqqussinnaavaat, immikkorluinnaq ittunik pissutissaqartillugu.

## **Kapitali 13** *Atuuttuulersitsinermi ikaarsaariarnermilu aalajangersakkat*

**§ 74.** Inatsit atuuttuulissaaq 1. august 2012, taamaattoq tak. imm. 3.

*Imm. 2.* Inatsit atuuppoq ilinniartunut 1. august 2012 kingusinnerusukkulluunniit ilinnialersunut.

*Imm. 3. Inatsimmi kapitali 2 ilinniartunngortitsinermut tunngasoq atuutilissaq 1. januar 2012.*

**§ 75.** Inatsisip atuuttuulernератигут malittarisassat Namminersorlutik Oqartussanut atatillugu piissutsit assigiinngitsut pillugit inatsit nr. 474, 12. juni 2009-meersukkut atuutsinneqartut atorunnaarsinneqarput.

**§ 76.** Ilinniartut Kalaallit Nunaanni Ilinniarneruntuunngorniarfimmi imaluunniit ilinniarneruntuunngorniarfinni inuutissarsiummut sammisuni ilinniarneruuutut inatsisip atuuttuulinninnerani ilinniartuuusut, 2014-imi aasakkut soraarummeernissaq ilanggullugu, napparsimalluni soraarummeernerit ilanggulligit, malittarisassat maannamut atuuttut Kalaallit Nunaanni ilinniarneruntuunngorniartarnerit pillugit Kunngip peqqussutaani nr. 108-mi, 17. februar 1992-imeersumi aamma Kalaallit Nunaanni inuutissarsiutitigut ilinniarneruntuunngorniarfiit pillugit inatsisip Kalaallit Nunaanni atuuttuulersinnissaat pillugu Kunngip peqqussutaani nr. 787-imi, 20. juni 2006-imeersumi, kiisalu malittarisassani taakku tunngavigalugit suliaasuni, imaluunniit aalajangersakkat taakku tunngavigalugit atuutsinneqartut naapertorlugit, HHX-imi aamma HTX-imi soraarummeernissamut innersunneqarsinnaapput. Misilitsinnerit soraarummeernerillu aalajangersakkat maannamut atuuttut naapertorlugit ingerlanneqartassapput. Ilinniarnermut piissuserissaarnissamullu malittarisassat rektorip inatsimmi matumani § 55 naapertorlugu aalajangigai, atuutsinneqassapput takkutinngitsoornermut klassimullu qaffasinnerusumut nuunnissamut malittarisassat kisiisa pinnagit.

*Imm. 2. Ilinniartunut imm. 1-imi taaneqartunut, aallartinnermilu ingerlatsinernik pilersaarutaasunik malinnaasunut, ilinniartitsineq 2014-imi aasap tungaanut malittarisassat maannamut atuuttut naapertorlugit ingerlanneqassaaq.*

*Imm. 3. Naalakkersuisut immikut pisoqartillugu ilinniarneruntuunngorniarfiit pisinnaatissinnaavaat, soraarummeernermut uppernarsaasiornissamut, misilitsinnernik inatsit manna malittarisassallu maannamut atuuttut naapertorlugit imaqaqtunik.*

**§ 77.** Ilinniartitsisut inatsisip atuutilernissaa sioqqullugu atorfeqartut, piginnaasariaqartutitigut piumasaqaataasut inatsisip atuuttuulernissaata tungaanut atuuttut, piviusunngortissinnaasariaqarpaat.

**§ 78.** Rektorit, tak. § 62, imm. 1, naggat kingulleq, inatsisip atuutilernissaa sioqqullugu atorfeqartut, piginnaasariaqartutitigut piumasaqaataasut inatsisip atuuttuulernissaata tungaanut atuuttut, piviusunngortissinnaasariaqarpaat.

*Namminersorlutik Oqartussat, ulloq*

Kuupik Kleist

/